



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCCX. ad annum MLXXIII.

**Parisiis, 1644**

Capitvla.

**urn:nbn:de:hbz:466:1-15625**

664 ALEXANDER C. ARAGONIÆ HENRICVS IV. IMP.  
P. II. RAMIRVS R. ARAGONIÆ.

Vltio diuina, populi Cadaloë ruina,  
Te manet, ut diro medium transuerberet iſtu.  
Altipetax Simonem sequeris Simon aſtra petentem?  
Te quoque Tartareus ſimul absorbēbit hiatus.

ANNO  
CHRISTI  
1062.

\* CONCILIVM ARAGONIÆ  
IN HISPANIA ANNO CHRISTI MLXII  
celebratum tempore Alexandri papæ II.

N O T A.

Tempus &  
acta Con-  
cili.

\* *Concilium.*] Septimo Kalendas Iulii in Hispania apud sanctum Ioannem Rupensem sub Ramiro rege est celebratum Concilium, multique episcopi in eodem congregati fuerunt. Quid autem in eodem statutum sit, nihil reperimus, niſi ut Aragonii episcopi ſumerentur ex monasterio sancti Ioannis, quod antea per regem Sanc- cium fuerat institutum. De huius institutione Concilii habentur acta in commentariis rerum Aragonensium apud Hieronymum Blacam, quæ incipiunt: *Residente glorioſo principe, &c.* Vid eBaro- nium anno 1062. numero 120.

\* CONCILIVM ROMANVM I.  
CENTVM ET AMPLIUS EPISCOPORVM  
occatione Petri Florentini episcopi de hærefi & simonia accusati aduersus simoniacos celebratum anno Do- mini MLXIII. tempore Alexandri papæ II.

*Alexander episcopus seruus seruorum Dei omnibus episcopis  
catholicis, cunctoque clero & populo, salutem  
& apostolicam benedictionem.*

VIGILANTIA vniuersalis ecclesiæ regiminis affiduam  
ſolicitudinem debentes omnibus quæ in Constanti-  
niana Synodo nuper celebrata coram centum amplius  
episcopis, licet nobis immeritis præsentibus, ſunt cano-  
nice instituta, vobis notificare curamus, quia ad ſalutem  
veſtram executores eorum vos eſſe optamus, & apostoli-  
ca auctoritate iubendo mandamus.

C A P I T V L A.

I.

Primo namque inspectore Deo, ſicut a sancto papa  
Leone,

ANNO CHRISTI 1063. Leone & a sanctis memoriarum papa Nicolao primum statutum est, Erga simoniacos nullam misericordiam in dignitate seruanda habendam esse decernimus; sed iuxta Canonum sanctiones & decreta sanctorum patrum, eos omnino damnamus, ac in ecclesia non praesette apostolica auctoritate sancimus.

Cap. Erga simoniacos. 1.  
quaest. 1.

II.

De his autem qui non per pecuniam, sed gratis sunt a simoniacis ordinati, quia quaesita iam a longo tempore diutius ventilata est quaestio, omnem nodum dubietatis absoluimus, ita ut super hoc capitulo neminem deinceps ambigere permittamus. Quia igitur usque adeo haec venenata pernicies haetenus inoleuit, ut vix quilibet ecclesia valeat reperiri quae hoc morbo non sit aliqua ex parte corrupta; eos qui usque modo gratis sunt a simoniacis ordinati, non tam obtentu iustitiae, quam intuitu misericordiae, in acceptis ordinibus manere permittimus, nisi forte alia culpa ex vita eorum secundum Canones eis obserstat. Tanta quippe talium multitudo est, ut dum rigorem canonici vigoris super eos seruare non possumus, necesse sit ut dispensatione ad piæ condescensionis studium nostros animos ad praesens inclinemus. Ita tamen, ut auctoritate sanctorum apostolorum Petri & Pauli omnimodis interdicimus, ne aliquis successorum nostrorum ex hac nostra permissione regulam sibi, vel alicui sumat, vel præfigat: quia non hanc aliquis antiquorum patrum iubendo aut concedendo promulgauit, sed temporis nimia necessitas permittendo a nobis extorsit. De cetero autem statuimus, ut si quis in posterum ab eo, quem simoniacum esse non dubitat, se consecrari permiserit; & consecrator & consecratus non disparem damnationis sententiam subeant, ut vterque depositus agat poenitentiam, & priuatus ab ea, propria dignitate persistat.

Cap. Locatur. 1.  
quaest. 1.

III.

Præter haec autem præcipiendo mandamus, ut nullus Missam audeat presbyteri, quem scit concubinam indubitanter habere, vel subintroductam mulierem. Vnde sancta Synodus haec a capite sub excommunicatione statuit, dicens: Quicumque sacerdos vel diaconus post constitutum beatæ memoriae prædecessoris nostri sanctissimi

Cap. Propter hoc mandamus.  
dicit. 31.

Concil. Tom. 25.

PPP

666 ALEXANDER CONCILIVM HENRICVS IV.  
P. II.

ANNO  
CHRISTI  
1063.

papæ Leonis, aut Nicolai de castitate clericorum, concubinam duxerit palam, vel ductam non reliquerit, ex parte omnipotentis Dei, & auctoritate apostolorum Petri & Pauli præcipimus, & omnino \* interdicimus, vt non cantet Missam, neque euangeliū, neque epistolam ad Missam legat, neque in presbyterio ad diuina officia cum his, qui præfatæ constitutioni obedientes fuerint, maneat, neque partem ab ecclesia suscipiat.

IV.

Cap. co-  
dem. §. Præ-  
cipientes.

Et præcipientes statuimus, vt hi prædictorum ordinum, qui iisdem prædecessoribus nostris obedientes castitatem feruauerint, iuxta ecclesiam, quibus ordinati sunt, sicut oportet religiosos clericos, simul manducent & dormiant, & quidquid eis ab ecclesia competit communiter habent. Et rogantes monemus, vt ad apostolicam communem vitam summopere peruenire studeant, quatenus perfectionem cum his consecuti, qui centesimo fructu ditantr, in cælesti patria mereantur adscribi.

V.

Cap. co-  
dem in fine.

Vt decimæ, primitiæ, seu oblationes viuorum & mortuorum, reddantur a laicis, & in dispositione episcoporum sint, quas qui tenuerit, a sanctæ ecclesiæ separetur communione.

VI.

Cap. Per  
laicos. 16.  
quæst. 7.

Vt per laicos nullo modo quilibet clericus aut presbyter obtineat ecclesiam nec gratis nec precio.

VII.

Cap. Eo-  
dem. 16.  
quæst. ea-  
dem.

Nec aliquis presbyter duas ecclesiæ obtineat.

VIII.

33. quæst.  
20. cap. 17.

Vt per simoniacam hæresim nemo ordinetur, vel promoueat ad quodlibet officium ecclesiasticum, neque ecclesiis præficiatur.

IX.

Et vt de consanguinitate sua nullus vxorem ducat, usque ad septimam generationem, vel quousque parentela cognosci poterit. Quod prius a Nicolao II. statutum fuit.

X.

Cap. co-  
dem.

Et vt laicus vxorem simul habens & concubinam non communicet ecclesiæ.

ANNO  
CHRISTI  
1063.

XI.

Vt nullus habitum monachalem suscipiat, spem aut  
promissionem habens vt abbas fiat.

Cap. Pet  
laicos. 16.  
quæst. 7.

XII.

Vt nullus laicus ad quemlibet gradum ecclesiasticum  
repente promoueatur, nisi prius, mutato habitu sæculari,  
diuina consecratione inter clericos fuerit comprobatus.  
Vos ergo hæc & alia sanctorum patrum statuta fideliter  
& Christiana reuerentia obseruate, si vultis sanctæ eccle-  
siæ Romanæ & apostolicaæ sedis pace & communione at-  
que benedictione & absolutione gaudere. Valete.

N O T A.

\* *Concilium.*] Hæc de his quæ in Concilio sunt statuta summatim Alexander vniuersæ ecclesiæ. Quod autem spectat ad quartum Ca-  
nonem, quo decernitur, Vt clerici simul manducent & dormiant,  
bonaque in communi possideant, scias id factum suggestione Petri  
Damiani, scriptis suis Alexandrum pontificem ad hæc sancienda ro-  
gantis. Extant adhuc ipsa literæ quibus iste præponitur titulus : *Vt  
canonicis, a quibus in congregazione viuitur, proprietatis habende licen-  
tia denegetur.* Deinde : *Domino Alexandro beatissimo papa Petrus pec-  
cator monachus seruitutem.* *Quantum ad nostra intelligentia modulum,*  
*nullum in humano genere malum pernicioſioris est criminis, quam defensio  
proprietatis, &c.* Prolixior est disputatio in ſepiuſ citato codice bi-  
bliothecæ sancti Petri in Vaticano. Non de monachis, ſed de clericis  
huiusmodi eſt sancitus Canon: at nec de omnibus clericis, ſed hiſ qui  
collegiatis feruient ecclesiis, quos frequentiore vſu canonicos ap-  
pellare confueimus, ob id ſcilicet, quod hiſce tenerentur Cano-  
nibus obligati, ad quorum præscriptum vitam ducerent clericalem  
in omnibus regularem, nihil ſibi proprium vendicantem. Ad finem  
vero prolixioris diſputationis, aduersus proprietarios clericos insti-  
tutæ, Petrus ita perorat, dicens : *Verumtamen ut hac apud inobedien-  
tium clericorum, imo nummicolarum rebellionem efficaciter valeant, san-  
cti apostolatus vestri vigor impellat.* Quod dicti ſuperius Canonis fan-  
ctione factum audisti. In hoc eodem Concilio Canon ille de celebra-  
tione Missarum ab eodem Alexandro sancitus eſſe putatur, qui recita-  
tur a Gratiano verbis iſtis: *Sufficit sacerdoti unam Missam in die uno ce-  
lebrare, quia Christus ſemel paſſus ē totum mundum redemit. Non mo-  
dica res eſt unam Missam facere, & valde felix eſt qui una digne celebra-  
re potest. Quidam tamen unam faciunt pro defunctis, & alteram de die, ſi  
neceſſe fuerit. Qui vero pro pecuniis ſine\* adulatiōnibus ſacularium una die  
præsumit facere plures Missas, non eſtimō euadere damnationem.* Hæc ibi.  
Cogenda Synodi occaſionem præbuit Petrus Florentinus episcopus,  
qui a clero populoque Florentino per literas, quas recitat Baronius,  
de ſimonia & hærefi accusatus, episcopal honore priuatus eſt. Hæc  
ex actis S. Ioannis Gualberti apud Surium Baronius anno prædicto.

Petrus pro  
vita con-  
muni cano-  
nicorum  
apud Ale-  
xandrum  
papam la-  
borauit.

Cap. Suffi-  
cit. de con-  
secratione,  
diſt. 1.

\* alias  
ablationi-  
bus

Concil. Tom. 25.

PPP ij